

本草經解要



夫立言者不其難哉或敷陳繁蹟而  
或梗槩痛呈而源流俱昧失則維均  
若職要而明其當然又必抉其所以  
籍漢唐注疏亦云詳矣宋賢則略名物而窮義  
理斯道始朗如星日今醫之本草而有綱目猶  
經籍之有注疏也終身學而未知注疏者衆矣  
而醫之於綱目亦然畏其煩重記誦維艱也驚  
猶河漢會歸不易也於是乎曰陋就簡承謫襲





謬凡訑訑然刀圭漫誦自翻良工與夫產擁臯  
此居然名宿滔滔皆是堪一歎也古吳葉先生  
儒者也邃于易而善醫即以易之盈虛消息通  
乎劑之緩急輕重著書等身其一為本草經解  
要于本經三百六十五種而損之而益之凡一  
百七十有四其詮釋也縷析詳明其制方也斟酌  
盡善蓋東壁之書淹通博大此則撮其至要  
潔靜精微固義文家法一立言而三不朽具焉



者也其錫山王君悅田為海文殿元之羣從學  
易于先生無得活人之術焉間出此跡予予尋  
繹再四謂是論衡也忍終秘乎頃者家大人於  
政事餘暇刊布方書數種補子惠所難周技斯  
人於耆艾顧藥物則其權輿也並鐫是書欲學  
者咸奉為指南譬若經生即未遑遠稽討矜奧  
博但力守宋賢傳注深思潛玩融會貫通已無  
媿真儒此葉先生著書本懷也悅田兄尊聞雅



書也。其家大人保赤情殷，常以濟人利物當  
隨事力行，敦勉余兄弟之素志也。工竣為識，諸  
首簡。

雍正甲辰歲午月上浣，河東楊緝祖書於六署  
之敬德堂。



凡生養補救之術率肇端隆古而歷代聖哲以漸修  
明如炎帝味百草軒皇究息脈流傳舊矣然無由據  
今素問子程子謂出周秦之際蓋非誣矣嘗草遇毒  
本淮南子王安道亦嘗著論非之舊有本草經三卷  
自弘景以下各增益宋馬志等合併凡屬最初白字  
別之吾家升庵好奇謂白字本草乃神農之舊也或  
謂上世未立文字但師學相承謂之本草漢季張機  
華佗輩始附以新說由是見於經錄此爲近是蓋雖



本草經解要附錄

簡古可喜而多絕其實又好言神仙不老固漢魏人習氣然也歷宋元明編纂益衆嘉隆間楚人瀕胡李時珍撰綱目五十二卷載藥千八百七十一種時稱大備顧讀者難之多約畧擷採各爲小帙然毛膚畧具而義蘊缺如今姚先生學易草廬本則更貴精而不貴多於諸品準時定位分五行以配臟腑藥與疾相應之故源委莫不瞭焉其闡義若金在鎔其立言如珠就貫易奇而法所由來矣於斯道信精義入神



明倫彙編

必先明理明理在於讀書始是之謂矣

其及門悅用王君偶過吾六尊聞行知湯液所投應如影響遠齋公子與之遊而善之謂是書雖便誦習然傳鈔難免脫誤慨付開雕公諸寓內洵不朽盛事也僕前者借觀隨考證數條畧及音訓今並附載庶便初學他日先生見之當復一莞爾謂是猶劑之有佐使也夫古六城南種竹人楊友敬希洛氏題肯午月望日也



考證

朮

本經不分蒼白功用正同宋元以來始分用謂白

朮苦甘氣和補中焦除脾胃濕用以止汗蒼朮苦

者勝

陳壁土炒蒼朮茅山者良糯米泔浸焙也

山藥

本經名薯蕷其改稱山藥避唐代宗宋英宗御

地此種實佳有自河北來者云在彼煮服尚不遠

六產也里有藥人生兒之乳因瘁已甚或致瘵山

藥創之始終此一物竟得長成且肥白無疾勝他

兒則本草稱補虛羸信有徵矣綱目云入藥宜野

生者今六國產煮熱去皮色白微碧而堅實山中

有自生者更勝然但充果菜若依法修治入藥應

不在懷慶下耳

綱目列菜部



萎蕤

本經主中風暴熱不能動搖跌筋結肉諸不足

久服去面黑點好顏色潤澤輕身不老解要主

別錄也綱目云治諸不足用代參者不寒不燥大

有殊功解要內同漆葉方卽華陀漆葉青黏散青

黏世無能識或云黃精之正葉者或云卽萎蕤也

大子鄉有兩老儒先後服此方肯致頑或云漆葉

乃五加皮葉本經名豺漆也里有兵子臂痛不能

挽弓或教用萎蕤一斤五加皮四兩浸酒飲盡一

芍藥

自健旺勝常豈古方正綱目殆誤附漆樹下耶

漆本有毒本經久服輕身及抱朴子云通神長生

皆難信綱目謂因貨漆人雜桐油故多毒亦非有

割漆人誤覆漆遍體瘡至莫救向在山中親見况

服食乎弘景云生漆毒烈是也古無用葉

者故氣味缺綱目殆因古方臆立主治耳

本經不分赤白東垣云赤者利小便下氣白者

止痛散氣血俗云白補赤瀉綱目云白芍益脾



能於土中瀉木赤芍散邪能行血中之滯產後血已虛不可更瀉故禁用非僅以其酸寒也目子謂主女人一切病並及產後用宜酒妙愚意不若勿用爲穩

石斛名醫別錄稱生六安山谷蘇頌謂嶺南者佳綱目謂蜀中者勝今眞石斛乾者色正黃形如蚱蜢牌所謂金釵石解也其生者高不及寸極似矮小瓦松叢生根連種之磁盤亦堪愛玩然六境罕有產英邑深山中峭壁千尋可望而不可即採者因頂絕巨壑而下及山腰用器極力搜剔令紛紛墜落始就潤谷斂取亦至危險矣且每斤乾纔數兩故採者絕少今地誌誤入合肥方物好事者間向徵求李虛舟大令云境無崇山何山得此每用爲笑近友人歸自粵西偶及三七云彼地亦甚貴以上官熬膏需索無厭也取之鉢鐻用之土苴吾鄉玉面金芽尤物非幸其不及此猶喜未有讀



本草  
者耳

菖蒲

石菖蒲。陶隱居謂一寸九節者良。葉有脊如劍

者。其相類而葉無脊者蘭菖也。又云。露根不可用。李頣湖謂菖類有五。惟生水石間。葉有劍脊。瘦根。節節尚尺餘者。乃石菖蒲。移植盆盎。以爲觀玩。愈剪愈細也。凡用。泔浸飯上蒸。藉穀氣尤佳。今六之。西南諸山溪石上多有。且一寸不啻九節。移植亦極易生。但露根甚多。採者未必能審擇矣。

菰藟

綱目稱刺菰。藟子有三角。所在有之。治風明目。

其白菰藟生同州沙苑。子光細微綠。補腎治腰痛。云今人稱刺者爲白菰藟。其關中產。但稱沙苑菰藟。解要白菰藟卽綱目刺菰藟也。吾鄉昔一老儒偶病目。服此乃大下。不已。及致雙瞽。用者審之。



羌活

即獨活一物二種本經不分後人乃別用謂羌活氣清屬陽善行氣分入足太陽獨活氣濁屬

陰善行血分入足少陰至逐風勝濕透關節功用正同羌活理遊風獨活理伏風但真氣不足者

忌之惟虛虛也羌活色紫獨活色黃藥肆

多以老宿前胡及土當歸充獨活宜辨之

藥本

方云同木香治霧露清邪中於上焦清去聲寒也本張潔古其同白芷作面脂取祛風濕非僅

香澤已也

益母草子

根莖花葉俱入藥濟陰返魂丹及益母膏皆全用也綱目謂胎產諸疾並用為良又

謂根莖花葉專於行而子則行中有補此解要所以獨有取於花子也歟

貝母

一名苟讀萌詩采苟取能散心胸鬱結也本草稱治乳難諸乳病多由鬱結故相宜又唐時有



病人而瘡者用貝母愈正曼倩酒澆怪哉取散鬱  
獨愈意也蘇子容謂類金瘡故宜貝母豈其然乎

天麻本經主殺鬼精物蠱毒惡氣久服益  
氣力長陰肥健解憂所主乃開寶也

車前治方云末服治暴洩昔歐陽公待暴下國醫不能  
治夫人買市人藥一帖進之愈乃車前子爲末

米飲服二錢七蓋車前子利水道而不動氣  
水道利則清濁分而穀藏自止矣理甚精

澤瀉綱目稱其行水瀉腎仲景地黃丸用茯苓澤瀉  
者取其瀉膀胱之邪氣古人用補藥必兼瀉邪

邪去則補藥得力後世不知此理一意用補故久  
服有偏勝之患是澤瀉但長於利水未可專任偏

鵲云多服病人眼蓋小便利腎氣虛故昏  
目也本草久服云云揚之太過用者審之

枳殼開寶首云風痺淋痺下云大腸風綱目諸刻皆  
同惟湯液本作風癰麻痺下作大腸風蓋以枳



殼勝濕化痰疎泄肺與大腸之氣也解要因之愚  
意當是風痹淋閉大腸痛原誤二字故不可解淋  
閉多鬱熱脇痛多氣逆林閉者清陽不升則濁陰  
不降殼主高主氣用以理上患自除矣氣逆刺痛  
亦皆近上脇言大者別於下之季脇也散留結乃  
統言胸膈痰滯其一耳蓋用實治下主血用殼治  
高主氣潔古東垣  
皆如此非臆說也

竹葉

竹類極繁本草陶蘇二家云入藥宜箠竹淡竹  
又謂甘竹似篋而茂即淡竹也六地多竹此所

指似俗呼水黃連者余庭前舊植數十竿鄰近每  
採用今醫家好言淡竹葉徐父謬以鴨跖草當之  
本草草部另載淡竹葉云苗高數寸似竹米落地  
所生甘寒無毒葉去煩熱利小便清心今六之西  
山有一種草高不盈尺莖中空有節葉亦全肖竹  
而稍薄生叢棘間凌冬不凋僅一痘醫識之云其



師江右人也指授此爲真淡竹用之已數十年嘗  
胎余合他藥浸酒未知是否湯液本草竹淡竹但  
載木部於漆竹引日華子並用根莖所主痰熱驚  
癇等症也按詩綠竹鄭箋綠爲工芻竹爲篇竹郭  
璞云篇亦作扁似小蔡陸璣云綠竹乃一草高數  
尺可磨治器物俗呼木賊以上皆指草惟唐志  
云淇園殷紂竹箭園也朱子云淇上多竹漢世猶  
然此則實指今竹蓋竹既多種難辨又有草本混  
之故迄無定論記  
此質諸博雅君子

蓮子 稱石蓮子以秋深沉水堅黑如石得名綱目載  
別有石蓮子狀如土石而味苦不知何物也

大棗 卽北地晒乾赤棗肉厚多脂宜用人藥其蒸熟  
色黑是爲膠棗亦有用作至南棗以糖蜜拌蒸  
更甘而潤食多損脾動濕熱  
未堪用也棗仁陳久者補良



龍眼

本草主治云安志厭食脈平聲飽也綱目稱其開胃益脾補虛長智即安志厭食之謂也

杏仁

綱目云氣溫味甘苦杏仁治風寒肺病有連皮尖

用者取其發散也桃仁行血宜連皮尖生用者潤燥活血則宜湯浸去皮尖炒黃用也

鐵衣

本經名鐵落主風熱惡瘡瘍疽瘰癧疥瘡氣在皮膚中癰說文訓乾瘍疥有甲故曰疥皆外乾燥

邪鬱皮膚痛癢不可耐金以制木木平則邪熱自清故主之千金方用治小兒丹毒亦此意也煎汁服亦治水腫蓋借鐵氣以制肝木使不能尅土土不受邪水自消矣愈後仍斷鹽以鹽性濡潤恐致復病也

芒消

綱目依本經朴消消石並列而以芒消屬消石謂消有水火二種形質雖同性氣迥別朴消即



水消經煎煉有細芒者爲芒消如馬牙者爲牙消  
氣寒而味鹹消石卽火消經煎煉亦有芒牙二種  
氣大溫而味辛苦自唐宋以來所用芒消牙消皆  
冰消也信然則氣溫味辛之火消旣不復用不必  
以性寒常用之芒消另屬消石且稱消石爲火消  
矣湯液本草載朴消盆消消石于朴消稱氣溫盆  
硝硝石稱氣寒又云硝石者其總名不經火者爲  
生硝石經火者爲盆硝苦消其餘諸家皆稱朴  
芒一物而有精麤之別固是但今藥肆朴消一名  
皮消工以治皮鍊淨則名芒消並入藥用正是水  
消產河南睢州其火消得火卽然一名燄消產壽  
春今禁私販重火器也至本經消石氣味主治與  
朴消無大異正蘇頌所稱又有生消亦出蜀地不  
因煑煉類朴消而小堅則消石殆自然銅之比未  
易多致且既有芒消可用亦不更求耳綱目辨論  
紛紜惜水畫一宋惠民和劑有碧雪方治諸熱病



內朴消芒消馬牙消消石並用皆水消也  
業岐黃者於此等處亦宜研窮未容姑信

代赭石

方稱研末真金湯下治小兒驚症綱目載一  
兒瀉後服上三日不乳將危有名醫曰殺驚

也宜治肝水飛代赭石末每用半錢冬瓜仁煎湯  
調下果愈考冬瓜仁專末服補肝明目故用煎湯  
此更簡易  
附記便用

梗米

梗同秬稻粘者為糯不粘者粳入藥晚梗良其  
早熟者為秬綱目另列云氣溫主溫中除濕先

秋登場江淮間於糯之外統名為秬不復稱梗於  
此種早秬謂之白稻以其米色獨白本草列稻梗

秬三種稻即糯蓋  
粳稱糯為稻也

神麴

紅麴

神麴出藥性本草用白麴合藥汁取配  
六神於諸神聚會日作之故名紅麴出



丹溪補遺用梗米造以入酢醃  
鮮紅可食二麴製法俱載綱目

生薑

舊附乾薑下綱目始分出另列且云食薑久積熱患目病持人多食兼酒立發難瘡人多食則

生惡肉是皆昔人所未及  
所謂好而知其惡者此也

乾薑

造法以老薑水浸三日去皮置流水中六日更刮皮淨然後曬乾置瓮中醱三日乃成以白

淨結實者爲良又名白薑綱目言孕婦不可食恐使胎內消以其性熱而辛散也人藥宜炮黑本經云生者尤良薑指上文濕痢諸病東垣云生則逐寒邪而發表炮則除胃冷而守中是也六地產薑藥肆所貨或連皮畧晒尙帶泥沙正綱目生薑後附載乾生薑者湯液本草於生薑稱氣溫味辛氣味俱輕陽也謂薑屑比之乾薑則不熱比之生薑則不熱薑屑卽乾生薑也於乾薑稱氣熱味大辛



味薄氣厚。陽中之陽也。蓋附門逆理中等湯用之。則不獨生薑乾薑有別。卽乾薑乾生薑未可概論矣。明

白膠 卽鹿角膠。藥性本草謂白膠一名黃明膠。非是。黃明膠乃牛皮膠也。

阿膠 一名傳致膠。本經阿膠。煮牛皮爲之。今世惟重烏驢皮。療風勝諸膠。必用烏者。取色屬木。以制

熱。則生風之義。貴阿井者。以濟水所注。清而重。其性超下。故治淤濁及逆上之痰。糯米粉炒成珠。用然真者難得。或依法汲鹹苦井水。白造用可也。並造白膠法。俱詳綱目。

石蜜 卽蜂蜜。以生山石中。色白如膏者。良。今用河南白蜜。蓋採梨花釀成。殊勝他產。綱目果部別載。

石蜜 卽合冰糖也。



古本草不分部類於人僅用髮髮海藏湯液

也用人尿亦不重人部蓋藥本藏人重在人

拾遺綱目雖攷而采以為是引後行功

惟理源卷六頤湖又言吳慶印大造丸用此然諸

藥皆平補內即無人胞亦可服餌今吳門郭氏論

此方謂如除虛精潤水不精大發為數嗽吐血骨

蒸盜汗等證屬陽盛陰虛服此耗精竭之陰為患

非細失病未甚不此服既甚又不宜服則後之

纂述者求此藥此方俱逸之可也

附考 藥性本草 宋李時珍謂藥性論綱卷多與本草異

著也稱權當唐太宗時年百二十歲帝臨訪藥性  
因上此書按唐書權本傳貞觀中權已百歲太宗



幸其令視飲食訪逮其術推朝散大夫尋卒年一百三歲所撰脈經鍼方明堂等圖傳於時其弟立言亦精醫藝文志載甄權脈經一卷鍼經鈔三卷鍼方一卷明堂八形圖一卷藥方立言本草音義七卷又本草藥性三卷古今錢驗方五十卷則藥性屬立言然多一卷恐並非立言本草綱目實指甄權未穩不若但稱藥性本草也

卷鈔次第 古本但列上中下三品不分部類自後各草曰木曰苞木曰金石曰人曰獸曰蟲曰果曰菜穀今改總先草木藥之本也次竹竹說文以草名之其實非草非木自為一種解要依綱目稱苞木不若竟稱竹部次果實蓋不離乎草木次金石古本草首金石固藥所重也次穀菜禽獸蟲魚強半日用所需兼屬已疾人則依綱目最後綱目謂



由淺至貴。愚意藥物已入。必欲遠取諸身。以其餘  
用者。可令姑仍舊。且去紫河車。進人中黃。稱近餘  
附載。庶幾  
穩當也。



音訓

諸藥

藥有五形

金木水火土即五行

五氣

香臭臊腥膻

五色

青赤黃白黑

五味

酸苦甘

五性

寒熱溫涼平

五用

升降浮沉中

凡使用別陰陽

補瀉酌君臣佐使不待言矣凡作湯液用水各別火

欲緩恒令小沸利湯欲生補湯欲熟凡用諸香諸角

丹砂芒消蒲黃阿膠等須另研俟湯熟去粗納人和

服加酒亦然凡服藥疾在胸膈以上者食後服在心



腹以下者食先服在四肢血脈者宜空腹而在旦在  
骨髓者宜飽滿而在夜凡云等分者多寡相等云方  
寸七者七匙也匙挑藥末不落爲度正方一寸也刀  
圭者寸七十一之一也一錢七七大如錢者五七將五  
銖錢取藥僅當五字不落蓋一錢之半又云一字是  
也一撮者四刀圭也茲於解要內藥及制方同用之  
藥宜音釋者並列之

何首烏同諸藥治血痢內有草石蘇

見本草綱目  
米部卽甘露



子氣平主除風破血和五藏蟲部另有石蠶生溪澗石上一名石蠶氣寒主五瘧石淋除熱解結石

部又有石蠶生海岸狀如蠶其實石也氣熱主石淋血結治金瘡三者世皆罕用也萎蕤

音威紫苑宛郁二音秦艽音交以根作羅紋紫苑宛郁二音秦艽音交以根作羅紋

柴胡柴舊作此此別音消入水即消又能消紫在此自讀柴也消化諸物故名俗作

硝山檀俗作牡荊子即黃荊與葉如飴音移山檀俗作牡荊子即黃荊與葉如飴音移

米糖錫徐盈切香薷音殊此讀茹蘆音如也即餘也柔本作菜茹蘆問西

草凡使黃蘗地黃忌鐵器二味腎經藥也錢仲也凡使黃蘗地黃忌鐵器二味腎經藥也錢仲

又曰虛者補其母實者瀉其子腎乃陰中之少陰為函養其元之水藏忌鐵蓋防伐木瀉肝恐子能令母虛也



廣品宜辨 龍骨古壩灰充 麝核 輕粉石膏 藿香茄

攪黃精兼廉 鬱金薑黃充 防己木通 款冬枇杷充 阿膠

廣膠入蕎 虎骨驢脛充 麒麟竭松脂攪 龍腦香番消南

蓰蓉鹽松 元胡索小半夏充 草薹菴草仁 南木香西

充鐘乳醋煮 細辛水漬 當歸酒洒 枸杞蜜拌 琥珀

舊用雞子魚枕偽造今更能吸人參廣品不止薺

芥或云楓脂為之本具粘性也此外未易枚舉宜細察之方

免因誤致損也



諸症

無病服藥如壁裏添柱蓋藥性各偏周禮醫師掌醫  
政令聚毒藥以共醫事是也信如節嗜好慎寒暑夫  
復何患穀茗果蔬儘堪頤養參朮雖良亦姑舍是否  
則六淫之邪乘虛而入疾乃未免而藥始奏功仲景  
於傷寒著三百一十三方於雜病著金匱要畧甘有  
二門備矣今葉先生於二書闡微辨惑別開生面稱  
南陽經解又有刪補慎齋遺書誠滄溟之慈航中宵



之寶炬。學者熟讀而精思之。庶臨症瞭如。而無昧於

音秘詳素問痺論靈樞周痺篇周痺  
遍身痛也俗作痺誤痺音脾雌雞也

擊上聲屈強病俗作  
瘥誤瘥音熾惡也

音旦黃病  
症有五

實 瘕

瘵癆宜行氣勝

腫同瘰也。足

足音 驚手

未

痿宜清燥滋陰

腫也。

足拘曲

未

末疾見左傳

癰筋結病

冲  
冲音  
征

瘕 音徵加下焦之疾見於臍下婦人  
多有之別有癥字音止亦腸病

蟲伏

解要但云濕熱所化理甚正

陽音  
疝

音誼陰病此  
巽心痛曰疝



女子多此疾

衄咯

音胸各

蹇

音碧一足廢曰蹇

疰

音注

噦

淵入聲有聲無物氣逆病也

驚漉

上音木即鴨漉

夢寤寤寐

寐息也寐覺而有言曰寤謂夢而寤魔於寐也蓋

火起於下而痰閉於上心血虧而神失守非真有

異物作祟也

痰飲

痰有六濕熱風寒食氣飲有五支留伏溢懸皆生於濕然金匱但稱

飲有四痰懸溢支姚註謂留飲即痰飲也支飲不

得息支者如果在枝旁而不正其人喘滿胃眩有

礙呼吸故云

癰癰

音熾縱即搖搦也音竹諾

癰

同癰音類

癖

音僻即

癰

音隆小木不利也

皮水風水

脾虛不能制水故也詳金

匱

血泣

註同

蠶

音匿食肛小蟲

炮

音砲祖酒赤鼻也

音訓



宛

扶音

沃

溜音屋水從上

滯

滯音膩也

黧

同肝音幹面上黑象

癘

賴本音例又音

卽癘



本草經解要目錄

卷一

草部上

人參

黃耆

朮

甘草

山藥

苡仁

何首烏

百合

兔絲子

淫羊藿

巴戟天

肉蓯蓉

地黃

天門冬

麥門冬

麥蘗別錄

牛膝

續斷

五味子

沙參



芍藥

當歸

紫苑

知母

秦艽

石斛

延胡索

開寶

細辛

小茴香

拾遺

遠志

菖蒲

肉豆蔻

開寶

附子

補骨脂

開寶

益智子

拾遺

木香

半夏

卷二

草部

下

白豆蔻

開寶

白蒺藜

縮砂仁

開寶

薑黃

唐本



鬱金唐本

欬冬花

旋覆花

藟香別錄

前胡別錄

羌活

升麻

川芎

防風

葛根葛穀附

麻黃根節附

白芷

藥木

柴胡

桔梗

茵陳

夏枯草

丹參

益母草子附

紅花開寶

杏附別錄

貝母

亭陸子

元參

天花粉實附

牛蒡子別錄

甘菊花

丹皮

黃連

黃芩

連翹

天麻開寶



木鍾

車前草

澤瀉

黃蘗

防己

太黃

釋心開寶

使君子開寶

卷三

木部

枸杞子

金櫻子蜀本

杜仲

茯苓

茯神別錄

松花綱目

山萸肉

栢子仁

酸棗仁

女貞子

肉桂別錄

桂枝

吳茱萸

丁香開寶

蜀椒附椒目

沉香別錄



烏藥拾遺

降香海藏

蘇方木唐本

蔓荊子

桑皮

桑葉

槐花日華

黃栢

杞仁

琥珀別錄

黏苔

欒實

枳殼開寶

檳榔子別錄

厚朴

竹部

竹葉別錄

竹茹別錄

竹瀝別錄

果部

蓮子

陳皮

青皮日華

大棗



天寶

木瓜

別錄

烏梅

枇杷葉

別錄

龍眼肉

別錄

山梔子

唐本

杏仁

桃仁

卷四

金石部

鐵系

丹砂

芒消

消石

石膏

礬石

代赭石

紫石英

赤石脂

別錄

穀菜部



梗米

小麥

錄別

馬料豆

綠豆

寶開

荷豆

錄別

脂麻

穀芽

錄別

豆豉

錄別

紅麴

補遺

神麴

性柔

醋

錄別

酒

錄別

餠

錄別

乾薑

生薑

荊芥

薄荷

唐木

香薷

錄別

蘇葉

別錄于梗附

蔥白

白芥子

錄別

禽獸部

五靈脂

龍骨

鹿茸

自鹿



鹿角

鹿茸

虎骨

虎骨別錄

龜板

鱉板

品賦

鱉板

龜甲

牡蠣

人部

人乳

別錄

小便別

錄

熱河車

折

本草經

一百一十六

味別錄

三十

曆本草

五拾

遺

味藥性

味海藏

一

蜀木

味開寶

十

國經

味日華

一

補遺



一  
味綱目一

共一百七十四味



本草經解要卷一

古吳葉桂天士集註

河東楊緝祖遠齋閱定

同里門人王從龍校刊

草部上

人參氣微寒味甘無毒補五藏安精神定魂魄止驚悸除邪氣明目開心益智久服輕身延年

人參氣微寒。稟天秋令少陰之氣。入手太陰肺經。



味甘無毒稟地中正之土味入足太陰脾經氣厚  
於味陽也肺爲五藏之長百脉之宗司清濁之運  
化爲一身之橐籥主生氣人參氣寒清肺肺清則  
氣旺而五藏俱補矣精者陰氣之英華神者陽氣  
之精靈也微寒清肺肺旺則氣足而神安脾屬血  
人身陰氣之原味甘益脾脾血充則陰足而精安  
隨神往來者謂之魂並精出入者謂之魄精神安  
魂魄自定矣氣虛則易驚血虛則易悸人參微寒



益氣味甘益血氣血平和驚悸自止邪之所湊其  
氣必虛人參益氣正氣充足其邪氣自不能留故  
一能除邪氣五藏藏陰者也五藏得甘寒之助則精  
氣上注於目而目明矣心者神之處也神安所以  
心開開者明也腎者精之舍也精充則伎巧出而  
智益久服則氣足故身輕氣足則長生故延年也

### 制方

人參同五味子麥冬名生脉散補陰生津液 同



辰砂治驚 同炮薑則補氣溫中 同白朮炮薑

甘草名裡中湯治胸中寒邪痞塞 同白朮白朮

甘草名四君子湯治脾濕不思飲食 同半夏陳

皮治脾濕生痰 同附子名一氣湯追散失元陽

同半夏生薑治食入即吐 同陳皮生薑治霍

亂吐瀉煩躁不寧 同炮薑等分末生地汁丸治

妊娠吐水 同蘇木治產後發喘加童便治血暈

同歸身治產後諸虛 同甘草歸身五味麥冬



治血虛發熱 同炮薑北味白朮甘草白芍治中  
氣虛喘 同黃耆甘草天冬麥冬生地熟地北味  
茯苓治腎虛水泛成痰 同乳香各一錢丹砂五  
分末雞蛋清和薑汁調服治橫生倒產 同歸身  
麥冬五味治聞雷卽暈 同赤茯苓齒辰砂治離  
魂 同陳皮治房後困倦 同柴胡大棗生薑治  
虛勞發熱 同赤茯苓麥冬治齒縫出血 同蓮肉  
川連治噤口痢 同白朮吳萸治脾洩 同五味



吳萸肉果各四神丸治腎洩 同白芍甘草治血

虛腹痛 同附子肉桂炮薑治寒厥 同附子北

味治氣脫中寒 同白朮麥冬五味治中暑倦怠

同白芍沉香治氣虛胸滿 同升麻補上焦元

氣瀉肺中伏火 同白朮補下焦元氣瀉腎中伏

火 同沉香茯苓神治心虛邪客作痛 同黃耆白

芍北味治汗多亡陽 同知母石膏粳米甘草各

人參白虎湯治氣虛傷暑 同附子白朮白芍白



茯苓治小兒慢驚 同葛蒲蓮肉治產後不語

同附子肉桂麥冬五味治下虛寒而上大熱

同黃耆天冬北味牛膝杞子葛蒲治中風不語

同大棗白芍甘草棗仁圓肉治脾陰虛 同木瓜

藟薔橘紅治氣虛反胃 同薑皮各兩許水煎露

服治氣虛瘡久不止

黃耆氣微溫味甘無毒主癰疽久敗瘡排膿止痛大

風癩疾五痔鼠瘻補虛小兒百病

酒炒醋炒蜜炙白水炒



黃耆甘溫補氣血故治癰疾也腸澼爲痔腸者  
手陽明經也  
脾爲陽明行津液者也甘溫益  
太陰脾經氣味俱升陽也脾主肌肉甘能解毒濕  
能生肌所以主癰疽久敗瘡排膿止痛也風濕熱  
壅於肌肉筋脈中則筋壞肉敗而成大麻風癰疾  
矣脾主濕膽主風主焦主熱邪之所湊其氣必虛  
黃耆甘溫補氣血故治癰疾也腸澼爲痔腸者  
手陽明經也  
脾爲陽明行津液者也甘溫益



脾健運則腸澀行而痔愈也鼠瘻者瘰癧也乃  
少陽經風熱鬱毒黃耆入膽與三焦甘能解毒溫  
能散鬱所以主之人身之虛萬有不齊不外乎氣  
血兩端黃耆氣味甘溫溫之以氣所以補形不足  
也補之以味所以益精不足也小兒稚陽也稚陽  
爲少陽少陽生氣條達小兒何病之有黃耆入少  
陽補生生之元氣所以爲主小兒百病也

### 制方



黃耆同桂枝白芍甘草黃連鉅石黃耆建中湯治

脾陰虛 同桂枝白芍甘草防風治表虛自汗

同茅朮生地等分牛膝黃柏減半丸治濕毒腫

久不愈 用鹽水炒五錢白茯苓一兩末治氣虛

瀉 同甘草治虛渴 同麻仁陳皮白蜜治老人

虛閉 同川連治腸風下血 同川芎糯米

不安 同生地熟地黃柏黃連黃芩歸身

陰虛盜汗 同生地熟地歸身人參



表虛自汗。同人參甘草名保元湯治陽

痘症。同白芷白芨甘草金銀花皂刺排

〔朮〕氣溫味甘無毒主風寒濕痹死肌痺疸止

消食作煎餌久服輕身延年不飢

朮性溫稟太陽明之燥氣入足陽明胃經味甘無

毒稟地中正之土味入足太陰脾經氣味俱升陽

也風寒濕三者合成痺痹者拘攣而麻木也蓋地

之濕氣感則害人皮肉筋骨也死肌者濕邪侵肌



肉也。淫者濕流關節而筋動急也。疽者濕乘脾土  
肌肉發黃也。背脾胃濕症。尤性甘燥。所以主之胃  
土濕。則濕熱交蒸。而自汗發熱。尤性燥濕。故止汗  
除熱也。脾者爲胃行其津液者也。脾濕則失其健  
運之性。而食不消矣。尤性溫益陽。則脾健而食消  
也。煎餅久服。則胃氣充足。氣盛則身輕。氣充則不  
饑。氣納則延年。所以輕身延年不饑也。

制方



朮同枳實作湯治水飲作丸名枳朮丸治面黃食  
不化 同人參治脾肺俱虛 同白芍白茯苓  
治脾虛肌熱 同澤瀉治心下有水 同牡蠣浮  
麥石斛治脾虛盜汗 同薑酒煎治產後嘔逆  
同陳皮治脾虛脹滿 同穀芽豬肚丸治脾虛少  
食而瘦 同白芍肉果丸治脾虛洩瀉 同茯苓  
糯米棗肉丸治久瀉腸滑 同熟地丸治瀉血色  
黃 同熟地炮薑北味丸名黑地黃丸治下血



同牛夏丁香治小兒久瀉 同澤瀉車前治水瀉

暑瀉 同苦參牡蠣豬肚丸治胃濕熱而瘦 同

麥冬石斛黃柏白芍木瓜苡仁北味治痿

甘草氣平味甘無毒主五藏六府寒熱邪氣堅筋骨

長肌肉倍氣力金瘡腫解毒久服輕身延年

生用清火灸用

補中

甘草氣平稟天秋涼之金氣入手太陰肺經味甘

無毒稟地和平之土味入足太陰脾經氣降味升



陽也肺主氣脾統血肺爲五藏之長脾爲萬物之  
母味甘可以解寒氣平可以清熱甘草甘平入肺  
入脾所以主五藏六府寒熱邪氣也肝主筋腎主  
骨肝腎熱則筋骨痠氣平人肺平肝生腎筋骨自  
堅矣脾主肌肉味甘益脾肌肉自長肺主周身之  
氣氣平益肺肺益則氣力自倍也金瘡熱則燻氣  
平則清所以治瘡味甘緩急氣平清熱故又解毒  
久服肺氣清所以輕身脾氣和所以延年也



創方

甘草作黃耆用風治氣虛痘症 同白芍黃芩名

黃芩湯治痢 同白芍名甲已湯治洩 同人參

炮薑肉桂則溫中 同麥冬枇杷葉蘇子則下氣

同川連白芍升麻滑石治熱痢 同人參菖蒲

益智圓肉聚仁遠志治健忘 同桔梗元參牛蒡

花粉利咽喉 同麥冬石膏竹葉知母名竹葉石

膏湯治煩悶燥渴 同川連木通赤茯苓生地瀉心



火 同桂枝人參生地麥冬阿膠麻仁薑棗酒名  
復脈散治心脾血枯 甘草一味水炙熬膏治懸  
壅如神

山藥氣溫平味甘無毒主傷中補虛羸除寒熱邪氣  
補中益氣力長肌肉強陰久服耳目聰明輕身不饑  
延年用

山藥氣溫平味甘無毒主傷中補虛羸除寒熱邪氣  
補中益氣力長肌肉強陰久服耳目聰明輕身不饑  
延年用



本陰脾經氣升脉和陽氣脾爲中州而統血血者  
陰也中之守也甘平益氣故主陽中脾主肌肉甘  
溫益脾則肌肉豐滿故補虛羸肺主氣氣虛則寒  
邪在脾統血血虛則熱邪生氣溫益氣味甘益血  
血氣充而寒熱邪氣除矣脾爲中州血爲中守甘  
平而益脾血所以補中脾主四肢脾血足則四肢  
健脾氣充則氣力倍也陰者宗筋也宗筋屬肝氣  
溫稟春升之陽所以益肝而強陰也久服氣溫益



肝開竅於目目得血則明氣平益肺而生腎腎  
開竅於耳耳得血則聰味甘益脾脾氣充則身輕  
脾血旺則不饑氣血調和故延年也

### 制方

山藥同生地杞子牛膝甘菊白蒺藜五味治肝腎  
虛怯 同蓮肉扁豆人參白芍白茯苓甘草陳皮治  
脾虛洩瀉 同羊肉肉苁蓉作羹治虛羸

意以仁氣微寒味甘無毒主筋急拘攣不可屈伸久



風濕痺下氣氣服輕身益氣

糯米炒

改仁氣微寒稟秋金之燥氣入手太陰肺經味  
甘無毒得地中平之土味入足太陰脾經氣降味  
和陰也經云濕熱不攘則大筋軟短而拘攣苡仁  
氣微寒清熱利濕所以主筋急拘攣不可屈伸也  
久風長久之風也風淫則末疾所以手足麻木而  
濕痺生焉苡仁甘寒其主之者甘以行之寒以清  
之也微寒稟秋金之燥氣而益肺肺氣治則下行



故主下氣久服輕身益氣者濕行則脾健而身輕  
金清則肺實而氣益也

### 制方

苡仁同木瓜石斛草薺黃柏生地麥冬治痿厥  
同五加皮牛膝石斛生地甘草治筋拘急 專一  
味多服久服治濕火傷肺肺癰肺痿及痿症

何首烏氣微溫味苦澁無毒主瘰癧消癰腫療頭面  
風瘡治五痔止心痛益血氣黑髮悅顏色久服長



筋骨益精髓延年不老亦治婦人產後及帶下諸疾

馬豆  
蒸用

何首烏氣微溫藥天卷升少陽之氣入足少陽膽  
經手少陽三焦經味苦澁無毒得地火水之味入  
手少陰心經足少陰腎經氣味升少降多陰也療  
瘰癧少陽之鬱毒首烏人少陽氣溫則通達所以主  
之癰腫及頭面風瘡皆屬心火味苦入心氣溫能  
行所以主之腸澼爲痔痔者濕熱傷血之症也味



苦清血故亦主之心爲君火火鬱則痛苦能散溫  
能行故主心痛心主血腎藏氣味苦益血味澀益  
氣也髭髮者血之餘也心者生之本其華在面心  
血通流則髭髮黑而顏色美矣其黑髭髮悅顏色  
者苦益血而溫能通也肝主筋腎主骨藏精與髓  
膽氣疎則肝血潤心血充則腎精足其堅筋骨益  
精髓者氣溫益膽味苦澀而交心腎也心腎交則  
火降水升自延年不老矣治產後及帶下諸疾者



以氣溫能升少陽之生氣味苦澀交心腎之陰陽也

制方

首烏同牛膝龍甲陳皮青皮治瘧邪在陰分如表  
虛脾弱加人參三五錢 同金銀花地榆川連白  
芍汁麻葛根甘草滑石山豆根犀角草石蠶治痢  
純血諸藥不敘者 首烏日日生嚼治瘰癧或破  
或不破并用葉搗塗 同牛膝九治腰膝痠疼及



風痰久瘡

百合氣平味甘無毒主邪氣腹脹心痛利大小便補中益氣

百合氣平稟天秋平之金氣入手太陰肺經味甘無毒得地中正之土味入足太陰脾經氣降味和陰也肺主氣氣逆則腹脹心痛謂之邪者蓋非其位則爲邪也氣平下降所以主之勝光者州都之官津液氣化則出肺主氣而與大腸爲合脾者又



為胃行津液者也。百合甘平，平則氣降，氣化及於  
州都，則小便利。甘則脾潤，脾行胃之津液，則大便  
利也。脾為中州，補中者味甘益脾也。肺主氣，益氣  
者氣平肅肺也。

制方

百合同麥冬、白芍、甘草，本通利大小便。同知母、  
柴胡、竹葉，治寒熱邪氣，通身疼痛。同麥冬、五味  
子、白芍、甘草，補中益氣。同白芍、白茯苓、車前、桑皮，治



皮毛浮腫

菟絲子氣平味辛甘無毒主續絕傷補不足益氣力

肥健人酒蒸

菟絲子氣平稟天秋平之金氣入手太陰肺經味

辛甘無毒得地金土二味入足太陰脾經足陽明

燥金胃經氣味升多於降陽也其主續絕傷者肺

主津液脾統血辛甘能潤潤則絕傷續也肺主氣

脾主血胃者十三經之本氣平而味辛甘則氣血



俱益故補不足也。氣力者得於天，充於穀。辛甘益脾胃，則食進而氣力充也。脾胃爲土，辛甘能潤土，潤則肌肉自肥也。

制方

菟絲子單服補血。同熟地丸治陰損。同杜仲

丸治陽虛。同白茯苓蓮治白濁。同麥冬丸治

心腎不足，口乾怔忡。同牛膝治腰膝痛。

淫羊藿氣寒味辛，無毒。主陰痿絕傷，莖中痛，利小便。



益氣力強志

羊脂  
拌炒

淫羊藿氣寒。稟天冬令之水氣。入足少陰腎經。味辛。無毒。得地潤澤之金味。入手太陰肺經。氣味降多於升。陰也。陰者宗筋也。水不制火。火熱則筋失其剛性而痿矣。淫羊藿入腎而氣寒。寒足以制火而痿自愈也。絕傷者陰絕而精傷也。氣寒益水。味辛能潤。潤則陰精充也。莖主莖也。痛者火鬱于中也。熱者清之以寒。鬱者散之以辛。所以主莖中痛。



也小便氣化乃由乎衆之品腎者肺氣故利小便  
肺主氣腎統氣衆益腎平潤肺故益氣力也氣力  
既益內養則太所以脾志蓋腎藏志也

### 制方

嘉羊鹿浸酒治偏風不遂木固脛痛 同五味覆

盆丸治三焦軟軟 專爲末泡湯漱治牙疼

巴戟天氣微溫味辛甘無毒主大風邪氣陰痿不舉

強筋骨安五臟補中增志益氣 酒拌



巴戟天氣微溫東天春升之木氣人足厥陰肝經  
味辛甘無毒得地金土二味人足陽明燥金胃經  
氣味俱升陽也風氣通肝巴戟入肝辛甘發散主  
大風邪氣散而寫之也陰者宗筋也宗筋屬肝痿  
而不起則肝已全無鼓動之陽矣巴戟氣溫益陽  
所以主之蓋巴戟治陽虛之痿痿者羊養治陰虛之  
痿也肝主筋腎主骨辛溫益肝腎故能強筋骨也  
胃者五藏之原十二經之長辛甘入胃溫助胃陽



則五藏皆安也。胃爲中央土，土溫則中自補矣。腎  
統氣而藏志，巴戟氣溫益肝，肝者散也，肝氣不假  
則不耗腎而志氣增益也。

制方

巴戟天同五味菴蓂山萆鹿茸栢仁杞子補腎脂  
治陰痿 同鹿角栢仁天冬遠志蓮鬚覆盆黃栢  
治夜夢鬼交洩精 同熟大黃治飲酒人腳更  
肉痿痿氣微腫味甘無毒主五勞七傷補中除莖中



寒熱痛養五藏強陰益精氣多于婦人瘕瘕人服輕

身洗去

甲用

肉痿養氣微溫稟天春升之木氣人足厥陰肝經  
味甘無毒得地中正之土味入足太陰脾經色黑  
而潤製過味鹹兼入足少陰腎經氣味俱濁降多  
於升陰也填精益髓又名黑司命五勞者勞傷五  
藏之真氣也勞者溫之從蓉氣溫所以治勞也七  
傷者食傷憂傷飲傷房室傷饑傷勞傷經絡營衛



氣傷之七傷也七者皆傷其陰肉從春甘溫滑型  
能除元陰之不足所以主之也中者陰之守也甘  
溫益陰所以補中準王章也寒熱痛者陰虛火動  
或寒或熱而結痛也從春滑潤甘以去者所以主  
之五藏藏陰者也甘溫潤陰故養五藏陰者宗筋  
也宗筋屬肝肝得血則強從容甘溫益肝血所以  
強陰色黑入腎補益精髓精足則氣充故益精氣  
精氣足則頻御女所以多子也婦人癥瘕皆由血



成發蓉溫滑而鹹鹹以奠堅滑以去著溫以散結  
所以主之也久服肝脾腎精氣充足所以身輕也  
制方

肉從蓉同白膠杜仲地黃當歸麥冬治婦人不孕  
同人參鹿茸杜狗莖白膠杜仲補骨脂治陽痿  
及老人陽衰一切腎虛腰痛兼令人有子 同黃  
耆治腎氣虛 同北味丸治水泛成痰 同鹿茸  
山藥白朮丸治腎虛白濁 同沉香脂麻丸治汗



多便閉 同山萸北味丸治消中易饑 專用二  
三兩白酒煎服治老人便閉 同山藥杞子山萸  
北味黃耆歸身治腎燥洩瀉 同白芍甘草黃芩

紅麴治痢

地黃氣寒味甘無毒主傷中逐血療填骨髓長肌肉  
作湯除寒熱積聚除痹療折跌絕筋久服輕身不老  
主者尤良

地黃氣寒主天冬寒之水氣入足少陰腎經味甘



無毒得地中正之土味入足太陰脾經氣味重濁  
陰也陰者中之守也傷中者守中真陰傷也地黃  
甘寒所以主之痹者血虛不運而風寒濕湊之所  
以麻木也地黃味甘益脾脾血潤則運動不滯氣  
寒益腎腎氣充則開合如式血和邪解而痹瘳矣  
腎主骨氣寒益腎則水足而骨髓充脾主肌肉味  
甘潤脾則土滋而肌肉豐也作湯除寒熱積聚者  
湯者盪也或寒或熱之積聚湯能盪之也蓋味甘



可以緩急性滑可以去着也。其餘痹者血和則結者散陰潤則閉者通皆補脾之功也。其療折跌絕筋者筋雖屬肝而養筋者脾血也。味甘益脾脾血充足則筋得養而自續也。久服氣寒益腎腎氣充所以身輕味甘益脾脾血旺則華面所以不老且先後二天交接元氣與穀氣俱納也。

制方

地黃肉大薊小薊各半。搗取自然汁和童便服。滑



血熱吐衄症 同麥冬治產後煩悶 同沙蒺藜

從蓉鹿茸山萸北味治男子精寒 同白茯苓皮

澤瀉山藥山萸各六味湯丸治一切陰虛症 同

人參遠志麥冬棗仁柏仁茯神甘草治心虛怔忡

悸忘 同黃耆川連黃柏棗仁五味麥冬圓肉牡

蠣治盜汗不止 同麥冬五味牛膝杞子車前阿

膠天冬治尿血 同麥冬五味牛膝治下部無力

同砂仁治胎動下血腰痛 同生薑治產後中



風 同醋炒黃耆治腸風不止 同肉桂山藥山  
黃丹皮澤瀉白茯苓七味湯丸治命門火衰 同  
人參附子山黃白茯苓丹皮澤瀉山藥丸名腎氣丸  
治命門虛寒

天門冬氣平味苦無毒主諸暴風濕偏痺強骨髓殺  
三蟲去伏尸久服輕身益氣延年不饑去心

天門冬氣平稟天秒平之金氣入手太陰肺經味  
苦無毒得地寒涼之火味入手少陰心經氣味俱



降陰也。其主暴風濕偏痺者。燥者濡之。熱者清之。  
着者潤之也。蓋風本陽邪。風濕偏痺發之以暴寒。  
病皆屬於火也。骨屬腎。腎屬水。天冬氣平。益肺肺  
金生水。故骨髓強也。蟲伏尸皆濕熱所化。味苦  
可以祛濕。氣平可以清熱。濕熱下逐。三蟲伏尸皆  
去也。久服益肺。肺清則氣充。故益氣氣足則身輕。  
氣治則延年。氣滿則不饑也。

### 制方



天冬同麥冬五味煎膏治消渴 同生地人參滋

養陰血 同生地麥冬丸煎逍遙散下治婦人骨

蒸 同生地麥冬白芍鱉甲牛膝杜仲續斷童便

治吐血

麥門冬氣平味甘無毒主心腹結氣傷中傷飽胃絡  
脈絕羸瘦短氣久服輕身不老不饑去心

麥冬氣平稟天秋平之金氣入手太陰肺經味苦  
無毒得地中和之土味入足太陰脾經氣降味和



陰也。心腹者肺脾之分。結氣者邪熱之氣結也。其  
主之者麥冬甘平。平能清熱。甘緩散結也。中言陰  
也。傷中者陰傷也。甘平益陰。故主傷中。脾爲胃行  
津液者也。脾血不潤。則不能爲胃行津液。而傷飽  
之症生矣。味甘而潤。滋養脾血。故主傷飽。脈者血  
之府。胃與脾合。胃絡脈絕者。脾血不統。脈絡不與  
胃相接也。甘潤養陰。所以續脈。脾主肌肉。而稟氣  
於胃。脾陰不潤。則肌肉不長。而胃氣上逆。肺亦能



呼不能吸而氣短促矣麥冬味甘益脾故主羸瘦  
氣平益肺故主短氣也久服肺氣充所以身輕脾  
血潤所以不老不饑也

### 制方

麥冬同川連治消渴飲水 同甘草粳米大棗竹

葉治勞氣欲絕 同烏梅治下利口渴 同人參

北味杞子治虛熱病暑 同沙參北味治心肺虛

熱



萎蕤氣平味甘無毒主心腹結氣虛熱濕毒腰痛莖中寒及目痛背爛淚出

萎蕤氣平稟天秋降之金氣入手太陰肺經味甘無毒得地中和濕土之味入足太陰脾經氣降味和陰也甘平之品則能清能潤故亦主心腹結氣也其主虛熱者甘能補虛平可清熱也濕毒腰痛及莖中寒目痛背爛淚出皆太陽膀胱之病也膀胱之經起於目內眥其直者下項挾脊抵腰中入



循腎絡腎屬膀胱膀胱本與水之經膀胱有濕毒  
則濕氣走腰中而痛走膀胱而革中寒矣於是膀  
胱民火上炎於經絡目痛內背爛而淚自出也其  
主之者膀胱之開合皆由氣化萎蕤氣平益肺肺  
氣降則小便通濕行火降而諸症平矣蓋膀胱津  
液之府肺乃津液之原潤其原則膀胱之濕亦行  
也所謂治病必求其本者如此

制方



萎蕤同黃耆治老人大便閉 同漆葉治陰虛兼

令人有子

牛膝氣平味苦酸無毒主寒濕痿痹四肢拘攣膝痛  
不可屈伸逐血氣傷熱火爛墮胎久服輕身耐老

牛膝氣平稟天秋降之金氣入手太陰肺經味苦  
酸無毒得地木火之味入足厥陰肝經手厥陰心  
包絡氣味俱降陰也肺熱葉焦發爲痿痹牛膝苦  
平清肺肺氣清則通調水道寒濕下逐營衛行而



痿痹愈矣。濕熱不攘則大筋短而四肢拘攣膝痛不可屈伸矣。牛膝苦酸酸則舒筋苦除濕熱所以主之也。逐血氣者苦平下洩能逐氣滯血凝也。傷熱火爛者熱湯傷火傷瘡也苦平清熱酸能收斂則痛止而瘡愈也。苦味伐生生之氣酸滑傷厥陰之血所以墮胎久服則血脈流通無滯所以輕身而耐老也。

制方



牛膝同生地治下元虛 專用五兩酒煎治女人

陰痛 同當歸生地死胎 用三兩同鱉甲三

錢治瘥在陰分久不愈胃虛加人參一兩陳皮去

白五錢 同青蒿生地麥冬杞子治血虛發熱

續斷氣微溫味苦無毒主傷中補不足金瘡癰瘍折

跌續筋骨婦人乳難久服益氣力 酒炒

續斷氣微溫稟天春升之木氣入足厥陰肝經味

苦無毒得地南方之火味入手少陰心經氣升味



降陽也。肝藏血。心主血。血者營也。中之守也。血虛則中傷。精斷氣微。溫入肝。肝者陽中之少陽。以生氣血者也。所以主傷中。補不足者。補肝經之不足也。金瘡癰瘍。皆傷血之症。氣溫益血。味苦清心。所以主之。折跌續筋骨者。氣微溫能活血。血活則斷者。續也。女人血不足。則乳難。氣溫行血。血充乳自多也。肝者罷極之本。以生氣血之藏也。氣微溫達少陽之氣。所以益氣力也。



制方

續斷一味治產後諸症 同杜仲棗肉丸治胎不安 同北味木瓜炮薑牛膝丹皮生地治產後火升

五味子氣溫味酸無毒主益氣欬逆上氣勞傷羸瘦補不足強陰益男子精

五味子氣溫稟天春升之木氣人足少陽膽經味酸無毒得地東方之木味人足厥陰肝經氣升味



降陰也。膽者擔也。生氣之原也。肝者敢也。以生氣  
血之藏也。五味氣溫益膽。味酸益肝。所以益氣。肝  
血虛則木枯。火炎乘所不勝。病欬逆上氣矣。五味  
酸以收之。溫以行之。味過於酸。則肝氣以津而火  
不炎矣。肝氣不足。則不勝作勞。勞則傷其真氣。而  
肝病乘脾。脾主肌肉。故肌肉瘦削。五味酸以滋肝  
氣。溫治勞。所以主勞傷羸瘦也。肝膽者東方生生  
之藏。府萬物榮發之經也。肝膽生發。則餘藏從之。



宣化五味益膽氣而滋肝血所以補不足也陰者  
宗筋也肝主筋味酸益肝肝旺故陰強也酸溫之  
品收斂元陽斂則陰生精者陰氣之英華也所以  
益男子精也

制方

五味同黃耆麥冬黃柏治夏月困乏無力 同炮  
薑灰斂浮遊之火歸于下焦 同乾葛扁豆治酒  
疸 同苦茶甘草治久欬 同白礬末猪肺蘸服



治痰嗽並喘 專爲末治肝虛洩精及陽事不起  
同生地丹皮山萸山藥澤瀉茯苓名都氣湯治  
水虛火炎 同滋羊藿丸治陰虛陽痿臨房不舉  
易洩易爽

沙參氣微寒味苦無毒主血結驚氣除寒熱補中益  
肺氣

沙參氣微寒稟天初冬之水氣入足少陰腎經味  
苦無毒得地南方之火味入手少陰心經氣味俱



降陰也。心主血而藏神。神不寧則血結而易驚矣。結者散之。驚者平之。沙參味苦能散氣。寒能平也。心火稟炎上之性。火鬱則寒。火發則熱。苦寒之味能清心火。故除寒熱。陰者所以守中者也。氣寒益陰。所以補中。肺爲金藏。其性畏火。沙參入心。苦寒清火。所以益肺氣也。

制方

沙參一味。治肺熱欬嗽。爲末。酒服。方寸匕。治卒



痢少腹及陰中相引絞痛自汗出欲死者 用米

飲下二錢治白帶

芍藥氣平味苦無毒主邪氣腹痛除血痹破堅積寒

熱疝瘕止痛利小便益氣

赤者破血

芍藥氣平稟天秋收之金氣入手太陰肺經味苦

無毒得地南方之火味入手少陰心經氣味俱降

陰也腹者是太陰經行之地邪氣者肝木之邪氣

乘脾土作痛也芍藥入肺氣平伐肝所以平之血



痹者血澁不行而麻木也芍藥入心苦以散結故  
主之也堅積堅硬之積也疝者小腹下痛肝病也  
瘕者假物而成之積也寒熱疝瘕者其原或因寒  
或因熱也芍藥能破之者味苦散結氣平伐肝也  
諸痛皆屬心火味苦清心所以止痛勝光津液之  
出皆由肺氣苦平清肺肺氣下行故利小便肺主  
氣壯火則食氣芍藥氣平益肺肺清故益氣也赤  
者入心與小腸心主血小腸主變化所以行而不

芍藥



留生破血也

制方

芍藥醋炒則入肝。同白朮補脾。同川芎瀉肝。同  
人參補氣。同歸身補血。同甘草止痛。同黃連止瀉。  
同薑棗溫經散濕。同甘草夏加黃芩冬加桂枝。  
治腹中虛痛。同甘草治消渴引飲。同犀角治  
衄血咯血。同香附熟艾治經水不止。同香附  
末鹽湯調服治血崩帶下。同川連滑石甘草升



麻人參蓮心扁豆紅麴乾葛治痢。同荊芥防風  
生地黃著甘草治腸風。同歸身生地牛膝炮薑  
續斷麥冬五味治產後虛熱。同黃著防風治表  
虛自汗。同陳皮藿香木瓜甘草治中惡腹痛。  
同白朮白茯苓荅陳皮治脾濕腹痛。

當歸氣溫味苦無毒。主欬逆上氣溫瘧寒熱洗洗在  
皮膚中。婦人漏下絕子。諸惡瘡瘍金瘡。煮汁飲之。

當歸氣溫。稟天春升之木氣。人足厥陰肝經。味苦。



無毒得地南方之火味入手少陰心經氣升味厚  
陽也其主欬逆上氣者心主血肝藏血血枯則肝  
木挾心火上刑肺金而欬逆上氣也當歸入肝養  
血入心清火所以主之也肝爲風心爲火風火爲  
陽但熱不寒者爲溫瘧風火乘肺肺主皮毛寒熱  
洗洗在皮毛中肺受風火之邪不能固皮毛也當  
歸入心入肝肝血足則風定心血足則火息而皮  
毛中寒熱自愈也婦人以血爲主漏下絕子血枯



故也。當歸補血所以主之。諸惡瘡瘍皆屬心火。心  
血足則心火息。金瘡失血之症。味苦清心。氣溫養  
血。所以皆主之。用者煮汁飲者。取湯液之功。近而速  
也。

制方

當歸同黃耆名補血湯治血虛發熱。象白虎症。

同川芎名佛手散治失血眩暈。本味酒煮治血

虛頭痛。同知母治衄血不止。同牛膝甘草梢



治小便血 爲末酒服治心下刺痛 酒浸治臂

痛 用一兩水煎露服治溫瘧 用二兩吳萸一

兩同炒去萸爲末蜜丸治久痢 同白芷治大便秘

不通 同生地治婦人血虛 同川芎砂仁治胎

動及胎死腹中 同炮薑治產後血脹 同白蜜

治產後腹痛 同黃耆白芍治產後自汗 同白

朮治面黃色枯 同白芍川芎等分香附加三位

丸名調經丸治經水不調 同麥冬甘草治熱病



鄭語神昏 同莖容山藥卜麥治腎燥洩瀉 同

桂枝白朮甘菊牛膝治痹 同牛膝鱉甲陳皮生

薑治瘡在陰分久不止 同棗仁遠志茯神人參

治心虛不眠 同人參川芎治難產倒生 同白

膠地黃白芍續斷杜仲治女人血閉無子 同地

榆金銀花紅麴滑石治利下純血

紫苑氣溫味苦無毒主欬逆上氣胸中寒熱結氣去

蟲毒痿癰安五藏

蜜蒸



紫菀氣溫稟天春升之木氣入手厥陰心包絡經  
味苦無毒得地南方之火味入手少陰心經氣升  
味降陰也心爲君火火刑肺金則欬逆上氣矣紫  
菀入心味苦清火所以主之也心包絡手厥陰脈  
起於胸中手厥陰之筋其支者入腋散胸中厥陰  
主散寒熱結氣者厥陰有或寒或熱之氣結也結  
而不散厥陰病矣紫菀氣溫可以散寒味苦可以  
散熱也蠱毒者濕熱之毒化蟲成蠱也味苦無毒



洩而殺蟲所以主之也。痿躄者肺受濕熱熏蒸不能行清肅之令心氣熱下脈厥而上上實下虛樞折挈脛縱不任地而生痿躄也。味苦入心清熱降氣故主痿躄也。心爲君主十二官之宰五藏之主也。味苦益心心安五藏皆安也。

### 制方

紫苑五錢煎治肺傷欬嗽 紫苑款冬各一兩百部五錢末薑烏梅煎湯調服三錢治久欬嗽 同



杏仁等分蜜丸五味湯化服治小兒咳嗽 同五  
味丸含化治吐血痰欬 爲末水服三撮治女人  
卒不小便及小便血

知母氣寒味苦無毒主消渴熱中除邪氣肢體浮腫  
下水補不足益氣

去毛鹽  
水炒

知母氣寒稟天冬寒水之氣入足少陰腎經味苦  
無毒得地南方之火味入手少陰心經氣味俱降  
陰也腎屬水心屬火水不制火火燥津液則病消



渴火薰五內則病熱中其王之者苦清心火寒故  
腎水也除邪氣者苦寒之味能除燥火之邪氣也  
熱勝則浮火勝則腫苦能清火寒能退熱故主肢  
體浮腫也腎者水藏其性惡燥燥則開合不利而  
水反蓄矣知母寒滑滑利關門而水自下也補不  
足者苦寒補寒水之不足也益氣者苦寒益五藏  
之陰氣也

制方



知母同麥冬石膏貝母陳皮鱉甲青蒿干膝治久  
瘧煩渴 同桂枝白芍甘草飴糖治脾虛胃熱多  
食而煩 同牛膝生地白芍甘草桂枝桑枝治手  
足牽引夜臥不安 同白芍花粉甘草桂枝治柔  
痺驚呼不安臥 同黃柏車前木通天冬甘草治  
強陽不痿

秦朮氣平味苦無毒主寒熱邪氣寒濕風痺肢節痛

下水利小便

便溲



秦艽氣平。稟天秋降之金氣。入手太陰肺經。味苦。無毒。得地南方之火味。入手少陰心經。氣味俱降。除也。皮毛屬肺。外感之邪氣。從皮毛而入者。或寒或熱。感則肺先受邪。秦艽入肺。味苦能洩。所以主之。風寒濕三者合而成痺。痺則血澁不行矣。味苦入心。心生血。苦能散結。血行痺自愈也。肢節痛濕流關節而痛也。秦艽氣平降肺。肺氣行則水道通。水道通則水下。經矣。其下水利小便者。皆通水道。



之功也

制法

秦艽酒煎治黃疸 帶一兩治小便難腹滿 同

柴胡甘草治瘧疾煩熱 同乾葛茵陳五味川連

梔豆木通治仁仁治酒疸 同玄仁木瓜五加皮黃

柏葉煮汁膠陷下部濕熱作痛及濕瘡

石斛氣平味甘無毒主傷中除痺下氣補五藏虛勞

羸瘦腰膝酸益精久服厚腸胃

酒浸  
晒



右斛氣平稟天秋降之金氣入手太陰肺經味白  
無毒得地中正之土味入足太陰脾經甘平爲金  
土之氣味入足陽明胃手陽明大腸經氣降味和  
陰也陰者中之守也陰虛則傷中甘平益陰故主  
傷中痹者閉也血枯而澀則麻木而痹甘平益血  
故又除痹肺主氣肺熱則氣上氣平清肺所以下  
氣五藏藏陰者也陰虛則五藏俱虛而不勝作勞  
勞則愈傷其真氣矣五藏之陰脾爲之原脾主肌



肉故玉蔕虛勞則肌肉消瘦也甘平益陰所以主  
虛勞而生肌肉也陰者宗筋也太陰陽明之所合  
也石斛味甘益脾胃所以強陰精者陰氣之英華  
也甘平滋陰所以益精腸者手陽明大腸也胃者  
足陽明胃也手足陽明屬燥金燥則腸胃薄矣久  
服甘平清潤則陽明不燥而腸胃厚矣

制方

石斛同麥冬五味人參白芍甘草杞子牛膝杜仲



理傷中補虛勞強陰益精 同麥冬白茯苓皮甘  
草治胃熱四肢更弱 專一味夏月代茶健足力  
延胡索氣溫味辛無毒主破血婦人月經不調腹中  
結塊崩中淋露產後諸血症血氣暴衝上因損下  
血煮酒或酒磨服

延胡索氣溫稟天春升之木氣入足厥陰肝經味  
辛無毒得地西方之金味入手太陰肺經氣味俱  
升陽也辛能散結溫能行逆肝藏血故入肝而破



血肝屬木木性條達鬱則肝血不藏月經不調矣  
辛溫暢肝所以調經腹爲陰腹中結塊血結成塊  
辛能散結溫能行血所以主之崩中肝血不藏  
而下崩也淋瀝下之淋瀝不止也辛溫氣味上升  
條達肝氣暢而肝血藏崩淋自止也產後諸血症  
指惡露未盡之病而言也辛溫破血所以主之血  
暈血閉而暈也其主之者藉其辛散之功也暴血  
衝上血挾邪氣而上衝也其主之者辛溫破血之



力然必佐他藥以成功也。因損下血血傷而下也。辛溫活血故佐酒助血歸經也。

### 制方

延胡索爲末酒服治胃脘痛及下利腹痛。同歸

身生地牛膝益母花童便治產後血暈。同芎歸

芍地白膠牛膝香附治女人經阻少腹痛。同朴

硝治蓄血。專爲末猪胰煎服治氣塊痛。同當

歸陳皮丸治經水不調腹痛。同歸身桂心末治



冷氣腹痛

細辛氣溫味辛無毒主欬逆上氣頭痛腦動百節拘  
攣風濕痺痛死肌久服明目利九竅輕身長年

細辛氣溫東主春升之木氣入足厥陰肝經味辛  
無毒得地西方之金味入手太陰肺經氣味俱升  
陽也肺屬金而至皮毛形寒飲冷則傷肺肺傷則  
氣不降而欬逆上氣之症生矣細辛辛入肺溫能  
散寒所以主之風爲陽邪而傷於上風氣入腦則



頭痛腦動風性動也其主之者風氣通肝入肝辛散也地之濕氣感則害人皮肉筋骨白節拘攣濕傷筋骨也風濕痺痛濕傷肉也死肌濕傷皮也細辛辛溫散濕活血則皮肉筋骨之邪散而愈也久服辛溫暢肝肝開竅於目五藏精液上奉故目明辛溫開發故利九竅肝木條暢以生氣血所以輕身長年也

制方

細辛小茴香



細辛同石膏治陽明火熱齒痛 同芍歸芍川皮

藥本甘草白薇治女子子宮冷不孕 同甘草治

傷寒少陰咽痛 同五味白芍甘草肉桂炮薑黃

菁蘇梗治軟逆上氣及筋骨疼痛 同白芍甘草

桂枝木通歸身治風濕痛 專爲末吹鼻治卒倒

不省人事

小茴香氣溫味辛無毒至小兒氣脹霍亂嘔逆腹冷

不下食兩肋痞滿



小茴氣溫稟天春升之木氣入足厥陰肝經味辛  
無毒得地西方之金味入手太陰肺經氣味俱升  
陽也小兒皆肝氣有餘肝滯則氣脹小茴辛溫益  
肝兼通三焦之真氣所以主脹也肺爲百脈之宗  
司清濁之運化肺寒則清濁亂於胸中揮霍變亂  
而嘔逆矣小茴辛入肺溫散寒故主霍亂嘔逆也  
腹屬太陰脾經冷則火不生土不能化腐水穀而  
食不下矣小茴辛溫益肺肺亦太陰芳香溫煖而



脾亦緩食自下也。肋屬厥陰肝經，痛滿者肝寒而氣滯也。小茴辛可散痞溫，可祛寒，所以主兩肋痞滿也。

### 制方

小茴同生地、北味、白芍、甘草、歸身、山藥治漏症。

同山藥、白芍、甘草、白茯苓、米治食不下。同礞石

白芍、木瓜治氣脹。同荔枝核治疝。

遠志氣溫，味苦無毒。主欬逆傷中，補不足，除邪氣，利



九竅益智慧耳目聰明不忘強志倍力久服輕身

老 去心甘草湯  
浸晒乾用

遠志氣溫稟天春和之木氣入足厥陰肝經味苦  
無毒得地南方之火味入手少陰心經氣溫味苦  
入手厥陰心包絡氣升味降陽也中者脾胃也傷  
中脾胃陽氣傷也遠志味苦下氣氣溫益陽氣下  
則欬逆除陽益則傷中愈也補不足者溫苦之品  
能補心肝二經之陽不足也除邪氣者溫苦之氣



味能除心肝包絡三經鬱結之邪氣也氣溫益陽  
陽主開發故利九竅九竅者耳目鼻舌口大小  
便各一也味苦清心心氣光明故益智慧心爲君  
主神明出焉天君明朗則五官皆慧故耳目聰明  
不忘也心之所之謂之志心強所以志強肝者放  
也遠志暢肝肝強故力倍久服輕身不老者心安  
則坎離交濟十二官皆安陽平陰秘血旺氣充也

制方



遠志同茯神人參生地棗仁丹砂鎮心定驚 同  
木香歸身棗仁人參白朮茯神甘草圓肉名歸脾  
湯治脾虛健忘 同人參棗仁栢仁麥冬五味歸  
身茯神茯苓益智生地甘草沉香治心虛神不守  
舍 專酒煎治鬱症癰疽

菖蒲氣溫味辛無毒主風寒濕痺欬逆上氣開心孔  
補五臟通九竅明耳目出音聲主耳聾癰瘡溫腸胃  
止小便利久服輕身不忘不隳延年益心智高志



不老

菖蒲氣溫味甘平和不寒不燥入足厥陰肝經味辛  
無毒得地西方之金味入手少陰肺經氣味俱升  
陽也風寒濕三者合而成痺痺則氣血俱閉菖蒲  
入肝肝藏血入肺肺主氣氣溫能行味辛能潤所  
以平之也辛潤肺肺潤則氣降而欬逆上氣自平  
辛溫屬陽陽主開發故開心竅辛潤肺肺主氣溫  
和肝肝藏血血氣和調五藏俱補矣通九經者辛



溫開發也。辛溫爲陽陽氣出上竅故明耳目。肺主  
音聲味辛潤肺故出音聲。主耳聾卽明耳目之功  
也。治癰瘡者辛能散結也。腸胃屬手足陽明經辛  
溫爲陽陽充則腸胃溫也。膀胱寒則小便不禁。萸  
蒲辛溫溫肺肺乃膀胱之上源故止小便利也。久  
服輕身肝條暢也不忘不迷惑陽氣充而神明也。  
延年陽盛則多壽也。益心智高志幸溫爲陽陽主  
高明也不老溫能活血血充面華也。



制方

菖蒲同熟地黃柏九治腎虛并熱 同白朮蒼朮

木瓜苡仁石斛草薢黃柏治濕痿及濕瘡 同人

參桑寄生仁茯神遠志生地治心虛氣鬱 專爲

水淋濕瘡

肉豆蔻氣溫味辛無毒主溫中消食止洩治積冷心

腹脹痛霍亂中惡鬼氣冷症嘔沫冷氣小兒乳霍

瘕

色



肉蔻氣溫稟天春和之木氣入足厥陰肝經味辛  
無毒得地西方燥金之味入足陽明燥金胃經手  
陽明大腸經氣味俱升陽也胃者中州也辛溫溫  
胃所以溫中胃溫則食易化故主消食大腸寒則  
瀉滯辛溫溫腸所以止洩日積月累積冷於腸冬  
日重感於寒則大腸病脹胃亦妨於食而胃脹脹  
則腹滿而心胃痛矣肉蔻溫腸胃胃陽充而脹平  
也蠶亂胃有濕熱也辛溫燥胃蠶亂自止胃者陽



氣之原也胃陽衰則陰邪乘之而患中惡冷症矣  
肉菴溫胃胃陽充則陰邪消而中惡冷症愈也肝  
寒而陰氣上升則嘔沫而冷氣出矣肉菴溫肝肝  
平嘔逆定也小兒乳霍胃寒不納也辛溫散寒所  
以亦主之也

制方

肉菴同人參補腎吳萸五味砂仁治冷洩 同砂  
仁陳皮人參紅麴查肉藿香麥芽治洩消食 同



木香棗肉丸治久濕 同川附米糊丸治寒洩

附子氣溫大熱味辛有大毒主風寒欬逆邪氣寒濕痿躄拘攣膝痛不能行步破癥堅積聚血瘕金瘡浸便

水煮去  
皮脂用

附子氣溫大熱溫則稟天春和之木氣入足厥陰肝經大熱則稟天純陽炎烈之火氣入足少陰腎經補助真陽味辛而有火毒得地西方燥酷之金味入手太陰肺經氣味俱厚陽也其主風寒欬逆



邪氣者肺受風寒之邪氣則金失下降之性邪壅於肺欬而氣逆也附子入肺辛熱可解風寒也寒濕之氣地氣也感則害人皮肉筋骨而大筋栗短小筋舒長拘攣痿躄之症成焉附子入肝肝主筋辛可散濕熱可祛寒寒濕散而拘攣痿躄之症愈矣膝痛不能行步者肝腎陽虛而濕流關節也溫熱益陽辛毒行濕所以主之癥堅積聚血瘕者凡物陽則輕鬆陰則堅實堅者皆寒凝而血滯之症



也。附子熱可軟堅，辛可散結，溫可行滯也。金瘡寒則不合，附子溫肺，肺主皮毛，皮毛煖則瘡口合也。

制方

附子佐人參、肉桂、五味，補腎真陽。佐白朮除寒濕。同人參、白芍、甘草、砂仁、陳皮，治慢驚。同白朮、肉桂、牛膝、木瓜、青皮，治寒疝。同人參、陳皮，治久病嘔噦。同人參、白芍、甘草、桂枝、北味，治傷寒誤汗下、真陽虛脫症。



補骨髓氣太溫味辛無毒主五勞七傷風虛冷骨髓  
傷敗腎冷精流及婦人血氣墮胎鹽水炒

補骨髓氣太溫稟天陽明之火氣入足陽明胃經  
味辛無毒得地西方之金味入手太陰肺經色黑  
而形如腎入足少陰腎經氣味俱升陽也其主五  
勞七傷者五藏之勞食憂飲房室饑勞經絡營衛  
七者之傷莫不傷損先天後天真氣而成也補骨  
入腎補真陽以生土先天與後天相接腐水穀而



化精微則勞者可溫而傷者可益矣風虛冷者邪風乘虛而入以致患冷也其主之者辛溫可以散風祛冷也腎主骨骨髓傷敗腎虛寒也腎既虛寒則氣不足攝精精自流矣補骨溫益陽氣辛能潤髓所以主之婦人血氣婦人血冷氣寒也補骨溫肺肺主氣而爲津液之化源所以治血冷氣寒也胎者大氣舉之也補骨辛溫溫能活血辛能散氣氣血活散所以贖胎也



制方

補骨脂四兩菟絲子四兩核桃肉一兩沉香乳香  
沒藥各二錢半丸治下元虛敗 同黑脂麻丸治  
五勞七傷 同杜仲核桃肉名青娥丸治腰痛  
同白茯苓沒藥酒丸名返精丸治心腎不交 同青  
鹽末治精氣不固 同小茴香酒丸治小便無度  
同韭子末治玉莖不痿 同肉蔻丸名二神丸  
治虛洩 同栗壳治久痢不止



益智子氣溫味辛無毒主遺精虛漏小便餘瀝益氣  
安神補不足利三焦調諸氣夜多小便者取二十四  
枚破入鹽同煎服有奇驗

鹽水炒

益智氣溫稟天春和之木氣入足厥陰肝經味辛  
無毒得地西方之金味入手太陰肺經氣味俱升  
陽也其主遺精虛漏者氣溫益肝肝氣固則不遺  
洩也其主小便餘瀝者味辛益肺肺主氣氣能收  
攝膀胱氣充而行所以膀胱亦固也辛益肺肺



補腎以益精氣是則精氣充足矣夫神補不足者  
神虛也神虛則精虛也精虛則氣虛也氣虛則火之  
虛也中虛則精氣神虛矣故曰中焦者相火之  
府中焦虛則精氣神虛矣故曰中焦者相火之  
府中焦虛則精氣神虛矣故曰中焦者相火之  
府中焦虛則精氣神虛矣故曰中焦者相火之  
府中焦虛則精氣神虛矣故曰中焦者相火之  
府中焦虛則精氣神虛矣故曰中焦者相火之

制方

益智同馬鞭山藥丸  
白茯苓丸  
同遠志扶神甘草丸  
白茯苓丸  
同遠志扶神甘草丸



赤濁 同人參白茯苓半夏陳皮車前治溫痰上泛

同藿香蘇子陳皮木瓜枇杷葉治氣上逆 同

五味山萸人參治淋瀝 同人參炮薑陳皮藿香

治胃寒嘔吐

木香氣溫味辛無毒主邪氣辟毒疫溫鬼強志主淋  
露久服不夢寤癰瘰

木香氣溫稟天春和之木氣入足厥陰肝經味辛

無毒而香燥得地燥金之正味入足陽明胃經氣



味俱升陽也辛溫益胃胃陽所至除邪惡毒鬼氣  
皆消所以主邪氣毒疫溫鬼也辛溫之品能益陽  
明陽明之氣能強志氣淋露者小便淋瀝不止勝  
光氣化津液乃出溺露不止陽氣虛下陷也陽者  
胃脘之陽也辛溫益胃胃陽充而淋露止也久服  
則陽勝陽不歸於陰故不夢寐陽氣清明陰氣伏  
藏故不魘寐也

制方



木香同延胡索治女人血氣刺心痛不可忍同  
牽牛雷丸楫榔治蟲積佐川連白芍治利同  
陳皮砂仁白蔻蘇葉治氣不通順

半夏氣平味辛有毒主傷寒寒熱心下堅胸脹欬逆  
頭眩咽喉腫痛腸鳴下氣止汗湯浸去涎淨  
薑汁拌焙

半夏氣平稟天秋燥之金氣入手太陰肺經味辛  
有毒得地西方酷烈之金味入足陽明胃經手陽  
明大腸經氣平味升陽也主傷寒寒熱心下堅者



心下脾肺之區太陰經行之地也病傷寒寒熱而  
心下堅硬濕痰在太陰也半夏辛平消痰去濕所  
以主之胸者肺之部也脹者氣逆也半夏辛平辛  
則能開平則能降所以主之也欬逆頭眩者痰在  
肺則氣不下降氣逆而頭暈眩也東垣曰太陰頭  
痛必有痰也半夏辛平消痰所以主之咽喉太陰  
經行之地火結則腫痛其主之者辛能散結平可  
下氣氣下則火降也腸鳴者大腸受濕則腸中切



痛而鳴濯濯也。辛平燥濕。故主腸鳴。下氣者。半夏入肺。肺平則氣下也。陽明之氣本下行。上逆則汗自出矣。平能降氣。所以止汗也。

### 制方

半夏同黃連。括蕞實名小陷胸湯。治心下堅。同甘草防風生薑。治痰厥中風。同神麴南星白朮。枳實薑汁。治風痰濕痰。同甘草。治風痰喘急。同黃芩薑汁。治上焦熱痰。同白芍甘草黃芩。治



身熱吐瀉 同瓜仁治肺熱欬 同陳皮治痰飲

同白茯苓治水飲 同人參治反胃 同白茯苓

草丸名消暑丸治伏暑 同人參白朮白茯苓甘草

陳皮名六君子湯治脾濕生痰不思飲食